



Broj: JN-1-01-16-4-15-13/17
Datum: 12.06. 2017. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka (b), člana 70. Stav (1), (3) i (6), i člana 25. Zakona o javnim nabavkama („Službeni glasnik BiH“, broj 39/14), na Preporuku Komisije za javnu nabavku, broj: JN-1-01-16-4-15-11/17 od 05.06.2017. godine, u postupku javne nabavke motornih vozila Lot 2, donosi sljedeću:

ODLUKU
o izboru najpovoljnijeg ponuđača
za nabavku motornih vozila Lot 2

Član 1.

Prihvata se Preporuka Komisije za nabavku, broj: JN-1-01-16-4-15-11/17 od 05.06.2017. godine i Ugovor za nabavku motornih vozila za potrebe Ministarstva za ljudska prava i izbjeglice BiH, dodjeljuje ponuđaču GUMA M d.o.o. Mostar, Bišće Polje bb, 88 000 Mostar, ponuda broj: 176-05/17 AK, od 25.05.2017. godine, za ponudenu cijenu sa popustom bez PDV-a 71.760,00 KM, odnosno za ponudenu cijenu sa popustom od 83.959,20 KM sa PDV-om, kao najpovoljnijem ponuđaču.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke od a) do d) i iz člana 47. stav (1) tačke c) ZJN („Službeni glasnik BiH“, broj 39/14) i to u roku od 5 (pet) dana nakon što bude obaviješten od strane ugovornog organa o rezultatima postupka nabavke. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, javna nabavka će biti poništena.

Član 3.

Ugovor će se zaključiti sa izabranim ponuđačem u skladu sa nacrtom ugovora, koji je bio sastavni dio Tenderske dokumentacije.

Član 4.

Ova Odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke motornih vozila broj: JN-1-01-16-4-15-1/17 od 12.05.2017. godine. Javna nabavka je provedena putem otvorenog postupka za dostavu ponuda za nabavku motornih vozila. Procijenjena vrijedost javne nabavke-Lot 2, bez PDV-a je: 71.794,88 KM, a sa PDV-om je: 84.000,00 KM. Obavještenje o nabavci broj: 679-1-1-16-3-13/17, objavljeno dana 15.05.2017. godine na Portalu javnih nabavki i objavljeno u „Službenom glasniku BiH“ broj: 36/17, dana 19.05.2017. godine.

Tenderska dokumentacija broj: JN-1-01-16-4-15-2/17 od 15.05.2017. godine. Komisija za nabavku imenovana je Odlukom broj: 01-16-4-347-1/17, od 07.02.2017. godine.

Komisija za javnu nabavku dostavila je ugovornom organu (ministrici za ljudska prava i izbjeglice BiH) Zapisnik o pregledu i ocjeni ponuda broj: JN-1-01-16-4-15-10/17 od 05.06.2017. godine, Preporuku o izboru najpovoljnijeg ponuđača broj: JN-1-01-16-4-15-11/17 od 05.06.2017. godine i Izvještaj o radu broj: JN-1-01-16-4-15-12/17 od 05.06.2017. godine u postupku javne nabavke motornih vozila Lot 2.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna (1) ponuda;
- da je blagovremeno zaprimljena jedna (1) ponuda;
- da nije bilo neblagovremeno primljenih ponuda,

da je ponuda ponuđača:

Naziv ponuđača	
1.	GUMA M d.o.o. Mostar

kvalifikovana i prihvatljiva. Navedeni ponuđač je dostavio sve tražene dokaze propisane tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača kao i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Izabrani ponuđač je:

Naziv i sjedište ponuđača	Cijena sa popustom bez PDV-a
1. GUMA M d.o.o. Mostar	71.760,00 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.

Dostaviti:

- Ponuđaču,
- Sektor za opšte, pravne i finansijsko-materijalne poslove,
- a/a

MINISTRICA
Semiha Borovac

